

MODUL PINTAS TINGKATAN LIMA

2 JAM

1103/1

BAHASA MELAYU

Kertas 1

ARAHAN :

1. Jangan Buka Kertas Peperiksaan Ini Sehingga Diberitahu.
2. Kertas peperiksaan ini mengandungi **dua** bahagian: **Bahagian A** dan **Bahagian B**.
3. Jawab soalan **Bahagian A** dan **satu** soalan daripada **Bahagian B**.
4. Jawapan anda hendaklah ditulis di dalam buku jawapan yang disediakan. Sekiranya ruang jawapan tidak cukup, sila dapatkan helaian tambahan daripada pengawas peperiksaan.
5. Jawapan boleh ditulis dalam tulisan Rumi dan Jawi.

NO. KAD PENGENALAN

--	--	--	--	--	--	--	--	--	--	--	--	--	--	--	--	--	--	--	--	--

ANGKA GILIRAN

--	--	--	--	--	--	--	--	--	--

NAMA :

TINGKATAN :

Kertas peperiksaan ini mengandungi 4 halaman bercetak.

Bahagian A

[30 markah]

[Masa dicadangkan : 30 minit]

Maklumat di bawah menunjukkan sebahagian daripada isu koperasi sekolah.

Huraikan pendapat anda tentang **koperasi sekolah**.

Panjangnya huraian hendaklah **antara 150 hingga 200 patah perkataan**.

KOPERASI



Koperasi sekolah ditubuhkan dan tertakluk pada Akta Koperasi dan kaedah-kaedahnyanya. Pengalaman aktiviti koperasi dalam kalangan pelajar akan membolehkan mereka menjadi bakal koperator dewasa yang berkebolehan dalam aktiviti berkoperasi.

PADANG BESAR - Koperasi sekolah boleh memainkan peranan ke arah membimbing pelajar sekolah menyiapkan diri menjadi usahawan berjaya setelah tamat persekolahan, kata Presiden Angkatan Koperasi Kebangsaan (M) Berhad (Angkasa) Datuk Abdul Fattah Abdullah.

Beliau berkata melalui penglibatan pelajar sebagai pemimpin dan ahli koperasi secara tidak langsung melatih mereka minat berniaga sekali gus tidak semata-mata mengharapkan untuk bekerja makan gaji sahaja.

“Jika para ahli koperasi tersebut diasuh dengan aktiviti perniagaan di sekolah sudah tentu minat berkenaan dapat terus dibawa selepas tamat persekolahan untuk dijadikan perniagaan sebagai sumber rezeki kelak,” katanya kepada Bernama semalam.

Sumber: *GPS Bestari: Komuniti Pendidikan*,
9 Oktober 2019

Bahagian B

[70 markah]

[Masa dicadangkan : 1 jam 30 minit]

Pilih **satu** daripada soalan di bawah dan tulis sebuah karangan yang panjangnya **antara 350 hingga 500 patah perkataan**.

Soalan 1:

Insan yang dilahirkan daripada masyarakat yang mulia merupakan tulang belakang pembangunan negara. Mereka juga bakal menjadi pemimpin negara yang akan menjadikan negara sebagai sebuah negara terbilang yang terus disegani dan disanjung oleh semua pihak. Hal tersebut secara tidak langsung akan meningkatkan imej negara di mata dunia.

Sumber: *Dewan Siswa Bil.4, 2018*

Petikan maklumat di atas menunjukkan betapa pentingnya remaja yang berakhlak mulia kerana mereka merupakan bakal pemimpin negara pada masa hadapan. Sehubungan dengan itu, mereka perlu mempunyai ciri-ciri peribadi yang baik agar hasrat untuk melahirkan negara yang maju dan harmoni akan tercapai.

Huraikan ciri-ciri remaja yang bakal menjadi pemimpin negara pada masa hadapan.

Soalan 2:

Mengubah sikap kepada mencintai alam sekitar memerlukan kefahaman dan kecintaan yang mendalam terhadap sumber alam semula jadi. Rakyat Malaysia di negara ini perlu mencontohi sikap rakyat Jepun dan Korea dalam menjaga alam sekitar. Kebersihan bagi rakyat Jepun merupakan budaya dan jati diri mereka dan mereka percaya jati diri yang baik bukan sahaja membolehkan mereka berjaya malah membolehkan bangsa mereka dikagumi di seluruh dunia.

Sumber: *Dewan Masyarakat, Bil.8, 2019*

Berdasarkan petikan di atas, sikap menjaga kebersihan alam sekitar sangat penting dalam masyarakat. Namun demikian, masyarakat hari ini semakin tidak peka akan kepentingan menjaga kebersihan alam sekitar.

Huraikan langkah-langkah menjaga kebersihan alam sekitar.

Soalan 3:

KUALA LUMPUR - Kepelbagaian bangsa, agama dan budaya di Malaysia secara tidak langsung memangkin kepada perkembangan variasi jenis makanan warisan yang mengukuhkan perpaduan kaum di negara ini. Tukang masak terkenal, Datuk Chef Ismail berpandangan, kemampuan sesuatu makanan warisan sebagai salah satu faktor untuk menyatukan rakyat Malaysia yang berbilang kaum dan agama adalah tidak dinafikan. Makanan warisan seperti nasi lemak, rendang, roti canai, teh tarik, nasi kandar, char kuetiau dan dim sum seperti yang kita tahu ialah menu terkenal dalam kalangan rakyat Malaysia dan dinikmati oleh semua rakyat.

Sumber: *Perpaduan Melalui Makanan Warisan*
<https://www.sinarharian.com.my>

Kepelbagaian kebudayaan, kesenian dan estetika di Malaysia seperti muzik, tarian, makanan, dan pakaian tradisional, adat perkahwinan serta binaan arca mengangkat keunikan Malaysia sebagai negara yang menjadi tumpuan masyarakat dunia.

Sebagai seorang sidang redaksi majalah sekolah, anda ditugaskan untuk menemu bual seorang tokoh masyarakat untuk mengupas keunikan budaya di Malaysia.

Tuliskan temu bual itu selengkapnya.

Soalan 4:

Inisiatif yang disediakan kerajaan untuk membantu Perindustrian Kecil dan Sederhana (PKS) dalam Belanjawan 2021 membantu PKS menghadapi cabaran akibat pandemik Covid-19. Ketua Pegawai Eksekutif *Funding Societies*, Wong Kah Meng berkata, pihaknya menyokong usaha kerajaan untuk terus melindungi kesejahteraan rakyat dan dalam masa sama merangsang ekonomi negara melalui pelbagai inisiatif.

Sumber: <https://www.utusan.com.my/ekonomi/2020>

Perindustrian Kecil dan Sederhana (PKS) memainkan peranan yang sangat penting dalam menjana pendapatan negara. Sehubungan dengan itu, semua pihak terutama pihak kerajaan, pihak swasta, dan Pertubuhan Bukan Kerajaan (NGO) perlu berganding bahu demi memastikan kelangsungannya berjalan dengan lancar.

Bincangkan peranan pelbagai pihak untuk memajukan Perindustrian Kecil dan Sederhana (PKS).

KERTAS PEPERIKSAAN TAMAT